

佛說長者法志妻經
佛說喜薩羅國經
佛說十吉祥經

二百二
行三

48781



元祿九年丙子二月日重脩

皇圖聖國 帝潛銀呂

佛日增輝 懋輪常轉

山城州天安寺法金剛院置



三經合卷

行三

佛說長者法志妻經

佛說菩薩羅國經

佛說十吉祥經

佛說長者法志妻經

出安公涼土錄失譯師名

聞如是一時佛在舍衛國祇樹給孤獨園與

大比丘千二百五十菩薩萬人俱

佛時明且著衣持鉢入城分衛比丘菩薩皆

悉侍從諸天龍神及香音神無善之神鳳鶴

神山神執樂神王皆散華燒香鼓諸音樂歌

歎佛德而說頌曰



從無數億劫 積行難可量 慈愍于衆生

使發大道行 三界猶幻化 一切悉空無

能曉了此慧 度脫諸十方 三十二相明

姿好八十種 口出萬億音 功德自嚴容

雖處現三界 開示三道場 三垢今已滅

除于三世殃 行三心如明月珠 處欲無所著

等行離愛憎 一切無適莫

於是人民聞歌頌佛德一國集會觀佛行來

舉動進止法則安徐威容之顏猶星中月如

日初出普照天下無所礙譬如梵王處諸

天中如天帝釋處忉利宮諸天中尊猶須弥

出現于大海四域之中安不可動歡喜踊躍

又手歸命佛至長者法志門外進到中閣放
大光明皆照十方時長者妻嚴莊牀座文飾
身欣象寶瓔珞服栴檀香面采顏貌五色焜
煌謂可保常奴容婢使小有過失搯挫苦毒
不問曲直遙見佛明超于日光心自念言此
之顯耀非類日月釋梵諸天凡俗之光其明
清涼安隱無量我身蒙之人人一切無患不飢不
渴自然飽滿云何行杖加於僕從速趣向閤
覩見世尊相好威耀難可為喻諸根寂定無
有衰入猶七寶山晃晃巍巍慙懼悲喜稽首
佛足悔過殃豐所犯無狀既為女人不能自
責瞋喜由已今首罪豐不敢藏匿佛言善哉

善哉汝獲善利雖一切衰見身殃咎改往修
來人身難得佛經難值億世時有所以墮女
人身中者何媼欲姿態在於其中不能修身
放心恣意嫉妬多口貪于形貌而自恃怙世
間無常豪富威勢須臾間耳當視諸下猶如
赤子豪富貧賤如月進退若日出沒水火風
起不久則衰一切道俗皆從心興上天人間
地獄餓鬼畜生之類皆由已耳佛天中天緣
覺聲聞亦復如是今我斯身三十二相八十
種好徹觀十方悉從解達女聞佛言歡然無
量重自歸命責已朦暝惟受不及閑化未聞
無上之誨佛言施行十善義身不殺盜淫口

不妄言兩舌綺語惡口意不嫉恚癡當奉六
度布施持戒忍辱精進一心智慧遵四等心
慈悲喜護普大弘哀自致得三十二相八十
種好乃為奴客婢使教以辛苦生死罪福示
語三塗之患難也戒以道禁義理之事勝于
搗杖莊嚴瓔珞有四事柯等為四一曰篤信
二曰戒禁三曰三昧四曰智慧是為四事菩
薩自莊嚴心計大乘無男無女猶如幻化盡
師所作隨意輒成曉了空慧一切本淨得無
名身四無所畏四事不護獨步三界度脫一
切女聞佛教心開踊躍即發無上正真道意
立不退轉地時天帝釋來在佛後謂女言曰

佛道難得不如求轉女為男日月天帝轉輪
聖王於是女以偈頌曰

天帝日月王 轉輪四域主 威勢無幾間

不可久恃怙 仕豪如朝露 夢中有所覩

覺已忽滅盡 不知所湊處 五陰如幻化

三界由已作 三世以平等 道心無等侶

諦解作是了 誰男何所女 天帝聞斯言

默然無所語

佛言善哉善哉誠如所云三處如幻化影響

野馬水月芭蕉俗人不解計有吾我便倚三

界不能自濟女心即解變為男子踊在虛空

下禮佛足佛告女曰汝於後世恒沙劫當

得作佛号無垢王如來至真等正覺明行成
為善逝世間解無上士道法御天人師佛号
天中天世日光淨時來會者諸天人民無央
數千見此變應皆發無上正真道意時長者
妻一切下使前白佛言尊者卑者本寧異乎
佛言一切本無隨心所存雖為下使發心為
道可得成佛既為尊豪恣心憍慢不離惡趣
地獄餓鬼畜生之中猶月增減如樹盛衰一
切非常無一可賴惟道深慧乃可保常猶如
虛空無進無退時諸下使踴躍欣豫發大道
意變為男子得不起忍佛告阿難五陰無處
六情無根十二因緣而無端緒四大寄因何

所是人佛說如是莫不歡喜

佛說長者法志妻經



佛說薩羅國經

開元附東晉錄失譯師名

昔有^{行三}大國名曰薩羅土地廣博嚴淨之處

多人民富樂熾盛工黠妍雅好盛文飾多出

珍寶五色玄黃城郭樓閣街巷門室金銀錯

塗方圓淨好遠城浴池中生蓮華鳥鴈鴛鴦

鳩夷羅鳥孔雀鸚鵡鵝隨鸕鷀翻飛相逐皆

在池中晝夜栖止相和悲鳴男女遊戲作唱

妓樂無有狀極樂不可言自倚憍慢不解佛
法各自快心天下無雙佛在舍衛祇樹之園
佛見此國興樂乃爾不惟無常生死之苦貪
濁色欲無有懈已佛念彼國生死遂滋不行
權慧誰能度之即作方便開化其心諸有色
相以空應之一切喜樂以苦應之權行隨常
令離想識佛使現神如意三昧放大光明摩
所不照感動八方及人非人諸天龍神追侍
在後帝釋梵天手執珍奇七寶之蓋獻御奉
佛弥勒文殊目連羅云何難離越舍利弗諸
弟子菩薩無數千人皆悉隨從俱適彼國百
鳥畜獸相和悲鳴倡妓衆樂不鼓自鳴枯木

諸樹皆自更生溝渠江海龜鼈鼉水水性之
屬莫不忻懌三千國土皆大震動地生蓮華
大如車輪珍寶瑠璃轉相雜成其色其妙光
耀人目佛放光明普有所照諸在窈冥勤苦
之處皆悉開闢無所窒礙國王大臣長者居
士中宮太子列女美人國民大小莫不悚然
行三今日何故乃有是現自在宮內五樂自娛
女自拊快樂無過今所見者世所希有時持
地神踊從地出現王殿前歎佛功德世尊現
變光踰日月諸天欽仰釋梵所尊世垢已除
脫人生死其見佛者罪豐消除其供佛者福
倍無量殖種德本後生天上發一慧意所得

無限可往見佛諮受法言王後轉開意內霍
然如來降神在吾國界衆生蒙度非但已身
一切群從并餘衆輩皆悉出城欣喜踊躍佛
之威神令是國界廓然大明洞達無邊王及
人民悉往見佛快哉福報善心生焉覩佛尊
顏金光曜曜奮威振躍吉祥莊飾相明清徹
志寂沙定王及人民皆前禮佛頭面稽首遠
尊三币却在前往具自陳說久沉貧濁迷惑
聲色不見如來供事問法佛言大善王及臣
民中宮太子皆平安乎王言蒙得佛恩皆悉
如宜佛言王貪濁色欲恣心無狀賊斂財寶
餽膳養味園觀浴池遊戲無極不念無常何

益萬分人為欲縛不惟後世即致泥犁畜生
之屬但坐無狀燒炙歎殘飢不及食渴無水
漿屏營愁毒迭互相然皆坐無慮逆心犯惡
在世雖富深宮尊位是悉無常如夢已寤想
命獨生無一隨者王前長跪啓白世尊以何
方便得離此罪佛為法王一切所歸佛為正
導行三衆生宗仰願見極舉得免此苦佛言六義哉
王立信本施行四事可得離罪一曰所有施
與無所愛惜二曰少欲瞋恚割損貪食三曰
聞佛經戒信受不犯四曰敬順法師厚善知
識是為四事可得清淨王心生念欲施大檀
便前禮尊叉手白佛願屈光儀到宮小飯佛

即默然已受其請王歸宮內勅臣官屬佛者
難值如優曇鉢華今已得之當好供養出諸
華香幢幡妓樂莊嚴宮室掃灑令淨城中街
里皆施幡蓋中宮夫人及國人民悉受王教
整頓牀坐即勅太官作百味之食調和香甘
便行迎佛供具以辦願可勞神佛即用時於
坐而行便放威神感動衆會四部弟子百千
天人及諸龍神捷杳和等眷屬圍繞群從隨
佛四天前導釋梵持蓋菩薩大士侍佛入城
佛蹈門閭境界震動盲聾瘖被毒病瘦皆
悉完具平復如故箜篌樂器不鼓自鳴佛放
光明悉照宮室城郭舍宅悉作瑠璃內外洞

達莫不見佛。佛前上殿。就師子座。王及太子
國臣人民。即下飯具。手自斟酌。飲食已訖。便
行澡水。一切人民。衆生已定。王取小几。前坐
聽經。佛轉法輪。說不退轉。王即歡喜。以衣奉
佛。其價千萬。世所希有。所散之衣。懸在虛空。
便於佛上。化成華蓋。交露七寶。悉皆垂珠。從
行三是垂珠。出其光明。遍照十方。無數佛土。正及
臣民。後宮太子。夫人美女。合萬餘人。見是變
化。莫不踊躍。皆發無上正真道意。八百天神
得不起法忍。五千菩薩。立不退轉。無數千人
皆興德本。壽終已後。皆生天上。佛語阿難。是
王供事五百餘佛。惠施財寶。等行慈哀。尊法

不倦是當來劫當得作佛号名慧光如來至
真平等正覺是國人民及諸夫人承其次第
悉當得佛王聞受決踊在空中現身離地百
四十丈從上來下歎佛功德佛者甚尊為衆
作本其德若天無所不覆國人八千聞授王
決普發淨心願為菩薩佛說經訖一切衆會
及人非人莫不歡喜世尊權道所化如是

佛說薩羅國經

佛說十吉祥經

閱元附秦錄失譯師名



如是我聞一時佛在羅閱祇耆閣崛山中與
大比丘衆千二百五十人菩薩五千人俱爾
時世尊與無央數百千人前後圍遶而為說
經時大會中有一大士名離垢蓋承佛威神
即從座起偏袒右肩右膝著地叉手合掌前
白佛言今可現有諸佛世尊如來至真等正
覺若善男子善女人求佛道者聞其名号受
持讀誦疾得不退轉於無上正真道佛告離
垢蓋大士善哉善哉族姓子乃能作是問多
所利益有族姓子東方去此度一恒沙數諸
佛世界有世界名方莊嚴其刹有佛名大光
耀如來至真等正覺今現在說法復有族姓

子東方度二恒沙數諸佛世界有世界名諸
勝諸勝其刹有佛名慧燈明如來有世界名
金剛其刹有佛名大雄如來有世界名淨尊
住其刹有佛名無垢塵如來有世界名金光
明其刹有佛名上像幢十蓋王如來有世界
名大威神其刹有佛名威神自在王如來有
世界名香熏其刹有佛名極受上願王如來
有世界名寶嚴其刹有佛名內寶如來有世
界名海燈明其刹有佛名大海如來有世界
名十力燈明其刹有佛名十力現如來當知
無垢蓋若善男子善女人求佛道者恒邊沙
刹滿中七寶持用布施如來正覺若善男子

善女人聞此佛名受持諷誦執在心懷於大
衆中為人廣說此之功德過前功德欲重解
義而說偈言

如恒邊沙 諸佛世界 滿中七寶 持用布施

若有得聞 諸佛名号 信樂不忘 功德過前

若聞諸佛名 行三 諷誦莫忘失 其人不宜疑

言我不成佛 六通無窮盡 至于無數劫

其身當金色 相好以莊嚴 若持佛名号

過於十億劫 疾得成正覺

佛說經竟 離垢蓋大士 諸菩薩等 天龍鬼神

及世間人 咸皆歡喜 頂受佛教

佛說十吉祥經

行三

長者法志妻經 三經同卷

鳳鶴

亦下音皇

適莫

的上音

四域

力下子

焜煌

本上古

下音

搗捶

下上竹

之委反

晃反

胡廣反

殃豐

近下許

今首

聲去

匿藏

力上尼

反姿態

代下他

反朦瞑

蒙二音

所湊

老下

及奏

端緒

序下音

薩羅國經

未

工黠

八下閑

反鳥鴈

作上音

鳧刀或

鵝隨

羊上音

鸕鷀

音二

盧慈

栖上

西上音

相和

聲下去

溝渠

侯上右

反龜鼈

滅下并

龜鼈

无二音

陀竹

懌下上

許竹反

竊冥

正上煙

作杏反

開

闕益

反昆

悚然

上息

拊音

音餽

下上戶

交反

屏營

上音

拯舉

上聲

捷杳

合下唐

反蹈

盜音

門閫

本下音

瘖病

下上於

於今反

完具

官上惠

反斟酌

針上音

澡水

音上

早小几

下居
矣反

十吉祥經

閱紙
上音
悅
諷誦
上反
方

山城國綴喜郡薪村

靈瑞山剛恩菴沙門宗桂書寫之

行三



十

